

## **FORSKRIFT OM VERNEPLAN FOR EDELLAUVSKOG I SOGN OG FJORDANE. FREDING AV LOI NATURRESERVAT I LUSTER KOMMUNE, SOGN OG FJORDANE FYLKE**

Fastsett ved kongeleg resolusjon av 19. juni 2009 i medhald av lov 19. juni 1970 nr. 63 om naturvern § 8, jf § 10 og §§ 21, 22 og 23. Fremja av Miljøverndepartementet.

### **§ 1 Avgrensing**

Naturreservatet gjeld følgjande gnr./bnr.: 182/1, 182/4, 182/5, 182/6, 182/9, 182/14, 182/15, 182/16, 182/17, 182/18, 182/21, 182/22, 183/1, 183/20 i Luster kommune.

Naturreservatet dekkjer eit totalareal på 0,863 km<sup>2</sup>.

Grensene for naturreservatet går fram av kart i målestokk 1 : 5.000 datert Miljøverndepartementet mars 2009. Dei nøyaktige grensene for reservatet skal merkast av i marka. Knekkpunkta skal koordinatfestast.

Fredingsforskrifta med kart er tilgjengelege i Luster kommune, hjå Fylkesmannen i Sogn og Fjordane fylke, i Direktoratet for naturforvaltning og i Miljøverndepartementet.

### **§ 2 Føremål**

Føremålet med fredinga er å ta vare på eit skogområde med spesielle naturtypar, med heile mangfaldet av artar og vegetasjonstypar og alle naturlege økologiske prosessar. Området har særskilt vitskapleg og pedagogisk verdi med sitt mangfald av både artsrike berg- og engsamfunn og restar av tidlegare open, grovstamma styvingsskog som no er frodig edellauvskog rik på kultursky kryptogamar, og som er eit viktig studieområde for forskning på førindustrielle haustingsmåtar og skjøtsel av edellauvskog.

### **§ 3 Vernereglar**

For naturreservatet gjeld følgjande reglar:

1. Vegetasjonen, medrekna daude buskar og tre, er freda mot skade og øydelegging. Det er forbode å fjerne planter og sopp (medrekna lav) eller delar av desse frå reservatet. Nye planteartar må ikkje førast inn. Planting eller såing er ikkje tillate.
2. Dyrelivet, medrekna reirplassar og hiområde, er freda mot skade, øydelegging og unødige uroing. Nye dyreartar må ikkje førast inn.
3. Det må ikkje setjast i verk tiltak som kan endre naturmiljøet, som t.d. oppføring av bygningar, anlegg, gjerde, andre varige eller mellombelse innretningar, parkering av campingvogner, brakker o.l., opplag av båtar, framføring av luftleidningar, jordkablør eller kloakkleidningar, bygging av vegar, drenering og anna form for tørrlegging, uttak, oppfylling, planering og lagring av masse, utføring av kloakk eller andre konsentrerte ureiningar, tømning av avfall, gjødsling, kalking og bruk av kjemiske middel. Forsøpling er forbode. Opplistinga er ikkje uttømmende.
4. Motorferdsel på land og på vatn er forbode, medrekna start og landing med luftfartøy.
5. Bruk av reservatet til telteleirar, idrettsarrangement eller andre større arrangement er forbode.

### **§ 4 Generelle unntak**

Reglane i § 3 er ikkje til hinder for :

1. Gjennomføring av militær operativ verksemd og tiltak i ambulans-, politi-, brannvern-, rednings- og oppsynsørend, og gjennomføring av skjøtels- og forvaltingsoppgåver bestemt av forvaltingsstyresmakta. Unntaket gjeld ikkje øvingskøyering.

Reglane i §3 nr. 1-3 er ikkje til hinder for:

2. Sanking av hasselnøtter, bær og matsopp.
3. Jakt og fangst etter viltloven.

4. Beiting.
5. Vedlikehold av anlegg som er i bruk på fredingstidspunktet,
6. a) Drift og vedlikehold av eksisterande energi- og kraftanlegg.  
b) Naudsynt istandsetting av kraftliner ved akutt utfall. Ved bruk av motorisert transport skal det i ettertid sendast melding til forvaltningsstyresmakta.  
  
c) Oppgradering/fornyng av kraftliner for heving av spenningsnivå og auking av linetverrsnitt når dette ikkje fører til vesentlege fysiske endringar i høve til verneformålet.
7. Drift og vedlikehold av fylkesveg.
8. Slått og hausting av opne engareal i samråd med forvaltningsstyresmakta, med handreiskap eller tohjulslåmaskin, men ikkje tilføring av gjødsel eller plantevernmiddel.

#### **§ 5 Eventuelle unntak etter søknad**

Forvaltningsstyresmakta kan etter søknad gje løyve til:

1. Naudsynt motorferdsel i samband med aktivitetar nemnde i § 4 nr. 3, 5 og 6 a og c, og § 5 nr. 2, 3, 5, 6 og 7.
2. Merking, rydding og vedlikehold av eksisterande stiar, løyper og gamle ferdselsvegar.
3. Hogst og utdrift i samsvar med vedteken forvaltningsplan.
4. Avgrensa bruk av reservatet som nemnt i § 3 nr. 5.
5. Oppsetjing av gjerde i samband med beiting.
6. Oppgradering/fornyng av kraftliner som ikkje fell inn under § 4 nr. 6 c.
7. Vedlikehold og skjøtsel av kulturminne.
8. Oppreinsking eller andre tryggingstiltak langs fylkesveg
9. Naudsynt øvingskøyning for formål nemnde i § 4 nr. 1.

#### **§ 6 Generelle dispensasjonsreglar**

Forvaltningsstyresmakta kan gjere unntak frå forskrifta når føremålet med fredinga krev det, samt for vitskaplege undersøkingar, arbeid av vesentleg verdi for samfunnet eller i særlege tilfelle når det ikkje strir mot føremålet med fredinga.

#### **§ 7 Forvaltningsplan**

Forvaltningsstyresmakta, eller den forvaltningsstyresmakta gjev fullmakt, kan gjennomføre skjøtselstiltak for å fremje fredingsføremålet. Det skal utarbeidast forvaltningsplan, som kan innehalde nærare retningsliner for gjennomføring av skjøtsel.

#### **§ 8 Forvaltningsstyresmakt**

Direktoratet for naturforvaltning fastset kven som skal vere forvaltningsstyresmakt etter denne forskrifta.

#### ***1.1.1.1.1.1 § 9 Iverksetjing***

Denne forskrifta tek til å gjelde straks.